

de ses ennemis, ou en danger de sa vie, il se souvint de luy demander la deliurance pour auoir moyen d'estre baptisé; il me promit de le faire. La nuict s'approchant, les principaux d'entre-eux m'accostent, & me parlant de nos façons de faire, me dirent que quand ie priois Dieu qu'ils [224] approuuoient fort cela, comme aussi quand ie leur disois quelque chose; & par consequent qu'il falloit aussi que i'approuuasse leurs coustumes, & que ie creusse en leurs façons de faire; que l'un d'eux alloit bien tost prier à leur mode, & que ie l'écoutasse patiemment. Je vy incontinent qu'ils preparoient un petit tabernacle, pour consulter le Manitou ou quelque Genie; ie leur demanday s'ils croyoient que le Manitou ou les Genies deussent venir dans ceste petite tour, & si ce n'estoit pas le Sorcier qui ébranloit cette maison ou ce tabernacle: ils me protesterent que ce n'estoit pas luy. Là dessus ie leur fay un offre; Quand ce tabernacle fera ébranlé, leur dy-ie, permettez moy que que i'entre dedans, & si me faisissant des deux mains du Jongleur, vous voyez encore branler son tabernacle, ie vous promets de vous donner un baril de pois, si tost que nous ferons arriuez aux trois Riuieres; Donne nous une Barique de pain, dit la ieunesse; I'en suis content, faites entrer le Jongleur; mais les plus âgés ne voulurent pas accepter la proposition: & comme il estoit déjà fort nuict, le Capitaine s'écria, Dormez ieunesse, [225] & prenez garde à ce que vous songerez, ne cachez rien de ce que vous aurez veü en songe. Là dessus tout le monde s'endort, ie me iette sur mon grabat, & fais comme les autres. Environ la minuit i'entends trois ou quatre hommes qui chantoient & hurloient dans les bois; ie me leue, mais ces chan-